



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2229/11
Sarajevo, 27.2.2012. godine

01-50-1

29-02-2012

PARLAMENTARNA SKUPŠTINA BiH

- Zastupnički dom -

SARAJEVO

| | | | |
|---|---------------------|------------|--------------|
| BOSNA I HERCEGOVINA | | | |
| PARLAMENTARNA SKUPŠTINA BOSNE I HERCEGOVINE | | | |
| SARAJEVO | | | |
| PRIMLJENO: | 29-02-2012 | | |
| Organizacioni broj | Klasifikacioni broj | Redni broj | Broj priloga |
| 01-50-1-15-12/11 | | | |

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na pitanje koje je postavio Šefik Džaferović, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2229/11
Sarajevo, 23.2.2012. godine

Šefik Džaferović, poslanik u Predstavničkom domu Parlamentarne skupštine Bosne i Hercegovine, na 12. Sjednici Predstavničkog doma održanoj 27. oktobra 2011. godine, postavio je sljedeće poslaničko pitanje:

„U kojoj fazi se nalazi implementacija Zakona o zaštiti i dobrobiti životinja, posebno odredbe članova 27., 28., 29., 33., i 43 stav 3. i 4. Zakona, koje govore o zaštiti napuštenih i izgubljenih životinja? Ko blokira donošenje Pravilnika o identifikaciji kućnih životinja u BiH, te uspostavu centralnog registra, kako je Zakon i predvidio, a kako bi se počelo sankcionirati napuštanje životinja, što je primarni uzrok problema?

Odredbom člana 43. stav 3. Zakona je propisano da se skloništa za životinje moraju osnovati u roku od jedne godine od dana stupanja na snagu Zakona. Ovaj rok je odavno istekao, a slike s ulica gradova u BiH, posebno imajući u vidu problem s psima lualicama, ukazuju da ovaj posao nije ni izbliza okončan. Zbog čega i ko je zbog toga odgovoran? “

Na postavljeno pitanje, Vijeće ministara Bosne i Hercegovine je na 2. sjednici održanoj 23.2.2012. godine, utvrdilo sljedeći

ODGOVOR

Vezano za implementaciju poglavlja IX zaštita napuštenih i izgubljenih životinja (čl. 27., 28., 29. i 30.)

Zakona o zaštiti i dobrobiti životinja („Službeni glasnik BiH“, broj 25/09) obavještavamo Vas da je Ured za veterinarstvo BiH, u okviru svoje nadležnosti, sukladno članu 40. Zakona donio slijedeće podzakonske akte

- Pravilnik o osnivanju i uslovima koje moraju ispunjavati skloništa za životinje („Službeni glasnik BiH“, broj 27/10)
- Pravilnik o osnivanju i uslovima koje moraju ispunjavati higijenski servisi („Službeni glasnik BiH“, broj 27/10)

čime je stvoren pravni okvir za potpunu implementaciju ovog dijela Zakona.

U Bosni i Hercegovini do sada, izgradnja skloništa za životinje u skladu sa pomenutim podzakonskim aktima, nije zaživela. Vidljivi su naponi nekih općina da se krene u pravcu osnivanja skloništa na način predviđen zakonom i podzakonskim aktima poput Zenice i Sarajeva.

Skloništa s obzirom na veličinu populacije pasa lualica koja se nalazi u BiH, svakako ne rješavaju problem sama po sebi. Podsjećamo, da samo konsolidovan pristup vodi rješenju, dakle provođenje mjera predviđenih Zakonom istovremeno kroz zbrinjavanje životinja u skloništima, provođenje projekata sterilizacije i kastracije napuštenih životinja, kontrolu sredine, te primarno punu identifikaciju vlasništva kroz mikročipiranje i uspostavu centralnog registra, a kako bi se napuštanje životinja i kao takvo Zakonom zabranjeno i moglo kažnjavati. Primarni uzrok problema napuštenih životinja jeste napuštanje od strane neodgovornih vlasnika životinja i njihovih potomaka, koje prolazi nekažnjeno a kojim se generira nova generacija napuštenih životinja na ulici.

Ubijanje je explicite zabranjeno budući da se istim ne uklanja uzrok tj. izvor problema no djeluje na posljedicu, što je bila loša i krajnje skupa i neučinkovita praksa dugi niz godina, a koja je ovim Zakonom eliminirana.

Istovremeno, želimo istaći da je implementacija člana 43. stava 4. Zakona, kao prijelazne odredbe do izgradnje skloništa za napuštene životinje, a u svrhu stabilizacije populacije napuštenih životinja kontrolom njihove reprodukcije u kratkom roku na zadovoljavajućem nivou, te da se provodi uz veliku saradnju i zalaganje nevladnih organizacija iz Bosne i Hercegovine i inostranstva.

Imajući u vidu da je usvajanjem ovog Zakona Bosna i Hercegovina na svom europskom putu, napravila značajan iskorak u oblasti zaštite životinja, te da se ova problematika po prvi put određuje zakonskim okvirom, u svrhu implementacije Zakona Ured za veterinarstvo BiH proveo je niz obuka veterinarskih inspektora i veterinara kako bi se osnažili za implementaciju Zakona.

Vežano za nedonošenje Pravilnika o identifikaciji i vođenju evidencije pasa i mačaka u Bosni i Hercegovini osnovni problem predstavlja izrada i održavanje funkcionalnog informacionog sistema koji bi podržao sve poslove oko identifikacije ovih životinjskih vrsta i vođenja potrebnih evidencija o vlasnicima i evidencija o izvršenim vakcinacijama. Obzirom da se ovim Pravilnikom uspostavlja jedinstveni Registar označenih životinja, potrebno je uzeti u obzir kompleksnost informatičke podrške koja bi podržala ovaj Pravilnik. Samo potpunim sadejstvom usvojene legislative i izrade odgovarajućeg prijedloga informatičke podrške biće moguće u potpunosti funkcionalno implementirati budući Pravilnik o identifikaciji i vođenju evidencije pasa i mačaka u Bosni i Hercegovini. U protivnom, i pored postojanja odgovarajućeg Pravilnika, neće biti moguće u potpunosti imlementirati poslove predviđene Pravilnikom. Aktivnosti oko izrade Pravilnika i odgovarajućih tehničkih rješenja su u toku i predviđeno je usvajanje istog od strane Vijeća ministara u aprilu 2012. godine.

Odgovornost za nepoštivanje roka za izgradnju skloništa za napuštene životinje iz člana 43. stava 3. ili neprovođenja projekata sterilizacije i obilježavanja životinja sukladno članu 43. stav 4. Zakona snose jedinice lokalne samouprave u Bosni i Hercegovini koje prema pozitivnim zakonskim propisima imaju obavezu zaštite životinja, nisu prepoznale obavezu provođenja državnog Zakona i koje su pod izgovorom nedostatka sredstava, na bazi paušalnih procjena kako broja pasa na ulicama BiH, tako cijene koštanja izgradnje i održavanja azila odlagale poduzimanje Zakonom propisanih radnji, i dovele do eskalacije problema. Za povećanje populacije napuštenih životinja isključivu odgovornost snose jedinice lokalne samouprave zbog neprovođenja ili djelimičnog provođenja Zakona u zadnje 3 godine. Želimo istaći da je praksa zbrinjavanja napuštenih životinja svugdje u svijetu u domenu jedinica lokalne samouprave, a u skladu sa specifičnostima iste vežano za brojnost populacije i potrebne kapacitete zbrinjavanja te da prebacivanje odgovornosti na druge instance u ovom segmentu ne stoji, dok je donošenje pravnog okvira odgovornost i obaveza države.